

Эндр секгддѣх комсомолин XIII-ч хурт мана ѓнр-орн — нутгин аль-бис ѓнцг болгънас багъчудин элчнр эврѣнн кесн-кү-цѣсн боли цаарандн терүгѣн улмар ѓргджүлх төрмүд күүндхн.

Комсомолин кесн-күцѣсн то-отинь хургъ дардж тоолдж болшго. Эднѣ тускар комсомолин ачлгдсн тавн орден йир сѣәнѣр медүлнѣ.

Хальмг таньгъчин комсомол Цуг-союзин комсомолин нег ѣнгни. Эн эврѣнн хурган күч-кѣлснѣ ди-илврмүдѣр таньгъчин багъчуд тос-джацхана. Мана таньгъчин органи-зац бүрдснѣс нааран комсомолин зерглѣн 1.5 холван ѓсдж 11 минь-гъ күрв. Ганцхн нидн джил комсо-молин зерглѣнд 2 миньгъ гар багъ-чуд орулдж авгдв.

Таньгъчин комсомольцнр кесн-күцѣсѣрн партин дѣѣч нѣкд гисн нерѣн иткүлджѣна. Хургт нерѣддж делгрсн дѣрдлѣнд хѣѣч багъчу-дин 276 бригад, 3 миньгъ гар сакманщикүд, багъчудин 28 МТФ, багъчудин 50 гар тракторн бригаде орлцджана. Тер мет багъ наста тос-хачнр, эрдин-шинѣ тѣрѣчнр, загъ-чнр бас дѣрдлджѣнѣ.

Эн дѣрдлѣнд Приозерн района багъ наста хѣѣчнр А. Шаронгов, Б. Кекеев, Н. Очиров, Целинн райо-нас — В. Ефремов боли И. Домашенко нѣүрт йовцхана. Яшалтинск рай-она «Новый мир» колхозин хѣѣч Иван Хворостин бригад 100 хѣѣнас 134 хургъ авѣ. Эн районд багъчу-дин 26 агрегат хавриц тѣрѣ тѣрлгънд гарв. Ганцхн Ленинѣ нертѣ колхозд (комитетин сеглѣтрнѣ ѣр Слоницын) 2.860 гектар газрт 2,5 хонгин эргцд тѣргдв. Эн кѣдлмшин ик зуугъинь багъчуд күцѣв.

Петр Будыльский дундин школас производствд ордж кѣдлв. Шунмгъа комсомольциг физкультурн кѣдлмшт орулв. Болв, районд малин халхар кѣдлгд улс хѣтѣр болсар, ѣр Будыль-ский фермд оч кѣдлхѣр дур суньгъв, «Новый мир» колхозин фермд заведующ болв. Эн ферм негдгч кварталд ѣкр болгъ-нас 353 литр ѣс саав. 58 миньгън литр ѣс «Заветы Ильича» колхозин багъчудин фермин саальчнр саав. «Победа» колхозд 137 комсомольци-рас 87-нѣ малин халхд кѣдлджѣнѣ.

Теднѣ шунмгъа гиснѣ саальч Рая Куприянова, хѣѣч Тая Мова боли нань чиги комсомольцнр. Райондан нѣүрт йовх хѣѣчнр Николай Исинов, Иван Ляшенко, Владимир Дани-ленко, Виктор Пилипенко, Алек-сандр Горовой, саальч Варвара Гайдамака, трактористнр Сергей Березовский боли Дмитрий Гаври-ленко күч-кѣлснѣ диилврмүд бѣрц-хѣв.

Мѣлчнрас загъсчнр ѣлдж йовхнн уга. Эн хавр Кѣк тенгъс галвлад, ки-итн болад бѣѣсн бийнѣ, багъ наста загъсчнр тенгъсѣр орад, элвгѣр загъс анѣнад, зурагъан кесг холванднѣ күцѣгѣд бѣѣв. ВЛКСМ-н тань-гъчин комитет, зѣртѣ загъсч комсомольцнр — Василий Карпов, Евгений Бабайцев, Константин Ми-хин, Михаил Полянский, Михаил Ба-канев, Александр Арищенко — эдниг Күндлгънѣ грамотар ачлв.

Сарпинск района 600 гар багъ-чуд сакманщикүд болцхав. Эднд 5 хонга семинар болв. ѓдгѣ цагт Валя Никитенко, Тая Чимидова, Клава Кабаева, Аня Шургучиева, Катя Шургучиева, Михаил Пугачев йилгъ-ѣн сѣәнѣр кѣдлджѣнѣ.

Районд багъчудин хѣѣчнрин 39 бригад бѣрдѣгдсн, ик диилврмүд бѣр-дж бѣәнѣ.

Нидн джилинѣр болхла эн джил тосхлт улм ѓргнѣр делгрджѣнѣ. ѓдга цагт спортивн тосхлтин, балгъс, се-лѣд керүлгънѣ боли модд суулгългъ-на сара кѣдлмш таньгъчар зарлгдв.

«Западный» совхозин комсомоль-цнр элдв сѣн элц кеджѣнѣ. Олн-ѣмнѣ тосхлтин кев-янзар, тосхлтин тернал ѣрвлѣд, хоршалт икѣр кѣ-ѣд, эн джил совхозд 60 миньгън арслнгъа спортзал эврѣнн чидлѣр кехмн гидж эдн шиндв. 30 гар ку-бометр чолу эдн белдчкв. Зуг эднѣ седвѣрт совхозин дирекц боли парт-организац оньган ѓгѣд, кѣлгѣр ма-шингѣр дѣнѣ-нѣкд болх зѣвтѣ.

1958 джилин август сард болх Хальмгин спартакиадт белдвр кехн тускар боли таньгъчар спортивн тосхлте кехин тускар шидр КПСС-н Хальмг таньгъчин комитет шиндвр гаргъв. Эн ик чинртѣ шиндвр.

Районин центр болгънд эн джил колхозмудин, совхозмудин, РТС-н боли райпотребсоюзмудин чидл, эв-аргъар спортивн залмуд боли стади-онмуд тосхкмн гидж шиндгдв. 20 гар стадионмуд эн джил тосхгдхмн Элстд спортивн зал, роцин дундн ѓѣмдг бассейн, балгъсна стадионд хувц тѣѣлгд, бийѣн угъадг душ, «Строитель» гидг стадион боли кол-хозмуд хоорндк спортзал эн джил тосхгдх зѣвтѣ — гидж КПСС-н таньгъчин комитетин шиндврт би-чѣтѣ бѣәнѣ. Багъчудт сургъмдж ѓгхд партийн организац килмджѣн ѓгчѣ-хиг КПСС-н таньгъчин комитетин шиндвр ѣзүлджѣнѣ. Эн ик чинртѣ шиндвриг күцѣхѣр дѣѣч ноолда кех — ВЛКСМ-н райкомсин боли элц комитетсин эрки тѣр мѣн.

Зарлгдсн «Таньгъчд культур яс-рулгъна хойр джилѣ кѣдлмшт» комсомольцнр шунмгъа кевѣр орлцджана.

Ѥмтн бѣѣдг 670 гермүд, хѣѣчнрин 39 гермүд, 33 кошар тосхлгънд, се-лѣд кеерүлгънд күн болгън 100 час кѣдлх, 2 боодг кехд, 92 худг малтхд, 2 спортзал, 2 стадион, 2 клуб, 2 бань, больниц, школин ма-стерской бѣрхд цуг комсомольцнриг орлцулхмн, комсомольск хоршал-тѣ ѣрвлгънѣс боли хоршулгънас авч ѓрѣл сай арслнѣ орулдж ѓгхми гидж Целинн района комсомольцнр шиндв.

Фермс болгънд Улан шугъу бѣр-дѣх, селѣдиг боли фермсиг күцднѣ электрофицировать боли радиофици-ровать кех, 30 миньгън мод суулгъх тѣр эднѣ ѓмн тѣвгдв. Советск багъ-чудин ѓдрлѣ — июнин 29-д багъ-чудин районн фестиваль кегдхмн Комсомолец болгън олн-ѣмтн дунд 10 дектр тархахмн.

Таньгъчин багъчуд производствд ѣрвлгъ боли хоршллт кехѣр но-олдджацхана. «Таньгъчин * комсо-мольск хоршулгън» бѣрдѣгдв, энүнд 6 сай арслнѣ орулдж ѓгхѣр темдг-гдв. Эндр ѓдр 800 миньгън арслнѣ хоршулгънд орулад ѓггдчкв.

Комсомольск организацсин кѣдл-мпиг улм шунмгъадулдж чангъгъх кергтѣ.

Советск Хальмгин багъчуд ик байртагъар ВЛКСМ-н XIII-ч хургиг тосад, терүнд бийсиннѣ күч-кѣлснѣ диилвриг нерѣдѣд, эн хург болджах ѓдрмүдиг туурмджта диилвртѣгъѣр темдгхѣн иткүлджѣнѣ.